

合浦縣志

合浦縣圖書館
藏書



成問序於余余屢卷讀之自呈野至藝文類分義別增補闕佚簡括老成較前志爲明備夫莫爲之前雖莫勿彰莫爲之後雖莫勿傳是書也蒐羅於前面補輯於後皆二徐之有造於書也詎不偉歟獨是廉巖郡也山陬海濱水勢地畧交廣廣十里生民之寄者籌教養以衛封疆向當按圖考籍酌古宜今庶循良之績迥異俗吏之爲是則余之所厚望也夫因書以歸之康熙六十年壬寅四月廣東布政使司長白玉朝恩撰

徐序

今天下車書一統聲教四訖蒸蒸然徧遐陬而及異域矣而督撫大吏於邊疆重地尤必周察民隱勤求吏治相地設險防患未萌孜孜於己治己安罔敢或怠余以菲材謬叨今職履任以來思三廉爲粵東極邊郡負山瀕海內雜犴獮外控安瀾延袤千有餘里戶口其盈甯歟賦役其均乎地殖產其蕃育歟關隘其甯盜歟且也曷庸撲茂之風何以使之常敦古風聲明文物之盛何以使之漸被遐陬蠻夷融處殊方異俗之使何以使之革心向化夙夜念此未遑也然求協人情宜土俗莫疆宇惟微諸位縣則前事之師也迺繕閱郡志率多殘闕且自兵燹以來歷今數十年曾未一爲補訂倘終於傳訛發謬無以成信史昭示來茲是又守土者所滋懼也爰博諮故老搜羅卷牘巡歷所至凡有見聞隨筆記之商語同事採輯入帙積日既久彙集成書釐爲十四卷分爲十二集質之大方伯王公命編完善并以序言而命付之梓是役也始於庚子初冬迄於辛丑仲秋書成余掩卷而思所以安內擢外酬大吏以報國恩者究茫無所據則又不覺悠然自慙矣康熙六十年辛丑五月廉州府知府徐成棟撰

孫序

嘗聞復天卦位艮居東北山之所起也先天卦位兌居東南澤之所潛也廉郡東北枕山西面瀕海爲粵東極邊是以天地盛大流行之氣獨獲至焉遲至而後發勢也亦理也廉州上古爲荒服秦世猶爲外藩漢元鼎間版圖始入中國方是時蠻俚之習未除卉服之風未改持章縫而適茲無所用也魏晉以後中原多故衣冠之族多徙於此或宦或商居此土而不去於以用夏變